


MS. 1<sup>a</sup>



Ms Backhouse 1<sup>d</sup>

永樂大典卷之八千二十一

十九庚

蒸 骨蒸證治三

太平聖惠方柴胡煎丸。治骨蒸勞頰赤口乾。心神煩悶。體瘦發渴寒熱。

童子小便七升。甘草一寸二尺。雄鼠糞四十九粒。桃柳枝各一握。

長三寸

豉心半升

糯米一合

葱薤白各一握

右件藥細剉。入小便內。煎至三升。去滓。更煎如稀餲。以柴胡一斤。擣羅為入。前藥煎中。和擣。三二百杵。丸如梧桐子大。每於食前。以溫酒下三十九。溫水下亦得。

鐵粉丸。治骨蒸勞。體瘦寒熱。

鐵粉二兩

獺肝一具。微炙。安息香三分

鬼督郵一兩

柴胡一兩。去苗。白朮

木息

胡黃連各三分

右件藥。擣羅為末。鍊蜜和擣。三二百杵。丸如梧桐子大。每於食前。以

粥飲下二十九。

犀角丸。治骨蒸勞。羸瘦。晚即面赤。手足痠疼。口乾壯熱。

犀角屑一兩 獺肝一兩微炙 柴胡一兩去蘆頭  
鼈甲一兩塗醋炙令黃去裙襴 枳殼一兩炒微黃去瓤

地骨皮

人參去蘆頭

栢脂

黃耆剉

甘草生用各一兩

天靈蓋一兩半塗酥令焦黃

右件藥搗羅為末。鍊蜜和搗三百杵。凡如梧桐子大。每服食前以  
溫童子小便下三十九。忌炙烤熱麩莧菜

治骨蒸勞瘦弱并傳屍勞宜服此方。

右取三年桃樹一株并根打去泥土勿洗。及枝葉等細剉。以水三碩煮  
取一碩已來。即澄濾去砂土。還將藥汁重煎。至三斗已來。再濾去滓。更煎  
令稠。可丸。即丸如梧桐子大。每日空心以溫水下三十九。晚食前再服。

柴胡散。治骨蒸瘵癘體瘦食少。方見骨蒸瘵癘類  
治骨蒸勞瘦及腸風下蠱。

鰻魚二斤。治如食法。切作段子入鑊內。以酒三盞煮。入鹽醋中食之。  
**聖濟總錄** 龍膽丸。治骨蒸身熱手足煩。心中躁羸瘦。漸漸不能食。

龍膽一兩一分黃連去鬚

黃檗去麁皮火大黃剉微炒

赤芍藥

人參

山梔子仁

甘草炙各一兩

黃芩去黑心三分

右九味搗羅為末。鍊蜜為丸。如梧桐子大。食後米飲下十五丸。日午再服。

青蒿丸。治骨蒸熱勞。肺痿欬嗽。傳屍瘦病。盜汗痿弱。四肢痠疼。鬼氣癰塊。

青蒿童子小便浸七日暴乾。三兩

天門冬去冬焙

柴胡去苗

地骨皮

白茯苓去黑皮各二兩

旋覆花

紫苑去土

貝母去心各二兩半

秦艽去苗土

枳殼去瓢炒。龍膽去蘆頭。

大黃剉微炒各二兩

杏仁湯洗去皮尖及雙入六兩。生別研如膏。

天靈蓋塗酥炙令

黃六兩

姜蕤

鱉甲去裙襴。醋浸炙令黃。各三兩。

丹砂三分研

麝香一分研

右一十八味搗羅為末。鍊蜜為丸。如梧桐子大。每服空腹溫水下二

十丸。日午再服。

柴胡丸。治骨蒸熱勞。手足心煩悶。背膊痠疼。四肢沉重。食不作肌膚。日漸黃瘦。

柴胡去苗

胡黃連

龍膽

桃膠乾者

升麻

茯神去木

黃芩去黑心

地骨皮

生乾地黄 焙

芍藥

大黃 剉炒

知母 剉焙

麥門冬 去心 焙

甘草 炙剉

龍齒

犀角 鎊

玄參

山梔子 去皮

桔梗 炒 各一兩半

丹砂 二兩 別研入藥

右二十味 搗研 烏末 拌勻 鍊蜜和丸 如梧桐子大 每服三十丸 空心 熟水下。

青蒿丸 治骨蒸羸瘦。

青蒿 細切 二斤

阿魏 別研 一兩

天靈蓋 塗酥 炙黃

烏末 一兩

桃仁 一升 湯浸 去皮尖 雙仁 炒黃 研

麝香 別研 一錢

右五味 先以小便一斗 煮青蒿至五升 絞去滓 即下餘藥 俟成膏 可 丸 即丸如梧桐子大 每服十五丸 空心溫酒下 日晚再服 漸加至三十丸。

地骨皮湯 治骨蒸羸瘦 少力 或熱 或寒 背膊疼痛 口乾 小便赤黃。

地骨皮 一兩

芍藥 一兩半

桑根白皮 剉 一兩半

茅根 一兩半

甘草 炙剉 一兩 柴胡 去苗 一兩半

石膏 三兩半

右七味。鹿搗篩。每用五錢匕。水一盞半。煎至一盞。去滓。分溫二服。空心食後各一。

芍藥湯。治骨蒸羸瘦。背膊煩疼。頭痛寒熱。不能下食。

芍藥

地骨皮各三分。柴胡去苗一兩。甘草炙剉半兩。

石膏碎一兩

當歸切焙三分。鱉甲醋浸炙黃一兩。

白朮一兩

右八味。鹿搗篩。每服五錢匕。水一盞半。煎至一盞。去滓。分溫二服。空心食後各一。

生地黄飲。治骨蒸及脚氣。每至晚間。憎寒壯熱。面頰赤。不下食。日漸羸瘦。

生地黄細切三兩

甘草炙剉三兩。葱白細切二莖。

童子小便二升

右四味。同煎。至半升。去滓。分溫三服。相去一時許服之。

枳殼丸。治骨蒸勞瘦。飲食不為肌膚。

枳殼去瓢。麩炒一兩半。

白朮

人參

甘草炙剉

地骨皮各一兩。杏仁湯浸去皮。尖雙仁炒。一兩半。

右六味。搗羅為末。和勻。鍊蜜為丸。如梧桐子大。每服二十丸。食前米飲下。

黃耆丸。治骨蒸熱。雖稍退。瘦弱無力。飲食不為肌肉。

黃耆剉三兩 白朮 枳殼去瓢麩炒 白茯苓去黑皮

生乾地黄洗去土切焙四兩

甘草炙剉各二兩

地骨皮一兩 右七味搗羅為末。鍊蜜和丸如梧桐子大。每服二十九。食前入參湯

下。日二服。

地骨皮丸。治骨蒸羸瘦。經久不差。邪熱留連。

地骨皮 龍膽 枳殼去瓢麩炒 黃芩去黑心

甘草炙剉 山梔子去皮各一兩 鱉甲醋浸炙黃一

兩半 桃仁湯浸去皮尖雙仁炒二兩

右八味搗羅為細末。鍊蜜和丸如梧桐子大。每服食後。米飲下二十

九。日二服。

柴胡湯。治骨蒸變成黃疸。羸瘦欬嗽。

柴胡去苗一兩 天靈蓋酥塗炙黃三兩 地骨皮一兩半

甘草炙剉一兩 鱉甲醋炙去裙襴一兩

訶梨勒皮三分



右六味鹿搗篩。每用五錢匕。用童子小便一盞半相和。入於瓷瓶子內浸經一宿。來辰又入豉五十粒。葱白一莖。柳枝頭七枚。各細剉入藥瓶中。慢火燒令十餘沸已來。去滓取一盞。分爲二服。空腹一服。相去一時久。再服訖。食葱白豉粥。

牡丹湯。治婦人骨蒸經脉不通。漸增瘦弱。

牡丹皮一兩半 桂去麋皮一兩 木通剉炒一兩 芍藥一兩半

鱉甲醋炙去裙襴二兩 雙仁炒

木瓜根一兩半 桃仁湯浸去皮尖

右七味麋搗篩。每五錢匕。水一盞半。煎至一盞。去滓。分溫二服。空心食後各一。

益母草煎丸。治骨蒸勞瘦。

益母草一斤洗暴乾

青蒿半斤去根 桃仁一尺長者一

握。已上三味細搗。以小便一斗於鍋中煎。取三升。瀝去滓。

柴胡去苗五兩 天靈蓋一枚酒煮暴乾別搗爲末

丹砂三分

鱉甲酒炙去裙襴二兩

甘草炙剉一兩

麝香研半兩

桃仁去皮尖雙仁炒研五兩

右除前外七味。搗研為末。用益母草煎和丸。如梧桐子大。空心烏梅湯下三十丸。漸加至四十丸。初服若覺心熱。減丸數。如不熱。依法服。服後。便以四五匙。輒飲壓之。

青蒿丸。治骨蒸勞體瘦。欬嗽氣急。日漸枯瘁。

青蒿四兩。童子小便浸七日。暴乾。

龍膽

秦艽去苗土。黃芩去黑心。杏仁湯浸去皮尖。雙仁炒黃。

木香。麻子仁研。車前子。菟絲子酒浸別搗。

末各五兩。獨活去蘆頭。栝子仁研。山茱萸各三兩。

右一十二味。搗研為末。鍊蜜和丸。如梧桐子大。每服三十丸。食前溫湯下。龍膽丸。治骨蒸羸瘦。經久不差。邪熱留連。

龍膽。枳殼去瓢。麩炒地骨皮。黃芩去黑心。

甘草炙剉。山梔子仁各一兩。鱉甲去裙襴。醋炙。

各一兩半。桃仁去皮尖。雙仁炒二兩。

右八味。搗羅為末。鍊蜜和丸。如梧桐子大。每服三十丸。食後良久。米飲下。獺肝丸。治骨蒸羸瘦。日晚即顏色不定。手足痠疼。口乾壯熱。

獺肝炙一兩半。犀角鎊。前胡去蘆頭。升麻。

枳殼去瓢麩炒各一兩

栢樹上脂研五分

天靈蓋酥炙黃一兩三分

甘草炙剉五分

右八味搗羅為末。鍊蜜丸如梧桐子大。每空腹以童子小便下二十丸。日二服。

豬肚黃連丸。治骨蒸虛勞。傳屍肺痿。欬嗽不止。困重羸瘦壯熱。或即憎寒。腹內冷脹。四肢煩疼。飲食無味。頭疼口乾。涕唾稠黏。渴不止者。

獷猪肚一具。以童子小便煮令熟。細切焙乾。搗為末。

知母剉焙

蕪荑仁炒各二兩

紫菀去苗土

大黃剉微炒

鱉甲去裙襴醋浸炙

檳榔煨

蒼朮米泔浸切焙

百部剉焙令乾地骨皮

黃芩去黑心

桔梗炒

貝母去心

柴胡去苗

黃連去鬚

龍膽出蘆頭

人參

白茯苓去黑皮

黃耆剉各一兩

右一十九味。搗羅為末。鍊蜜為丸。如梧桐子大。每服空腹。溫酒下二十丸。

木香湯。治骨蒸勞。腹中痞癖冷痛。漸至羸弱。

木香

檳榔剉

人參各一兩

芍藥

桔梗剉

赤茯苓去黑皮

訶梨勒炮去核

當歸切焙各三分

右八味鹿藿節每服五錢匕。水一盞半。煎至一盞去滓。分溫二服。空腹食後各一服。

鼈甲丸。治骨蒸。腹中痞癖。按之隱手。不能下食。羸弱無力。

鼈甲去裙襴醋炙二兩

木香一兩

郁李仁去皮研

京三稜煨剉各一兩半

陳橘皮湯浸去白焙

蒼朮米泔浸切焙各一兩

檳榔剉二兩

芍藥一兩半

右八味搗羅七味為末。入郁李仁再研勻。鍊蜜丸如梧桐子大。每服

三十九。橘皮湯下。食前。

史載之指南方平肺湯。治喘。肌肉漸瘦。治屬骨蒸。

天門冬

馬兜苓

百部各半兩

右烏鹿末。每服五錢。水二盞。煎一盞。去滓服。

傳屍骨蒸

論

王燾外臺祕要方蘇遊論曰。大都男女傳屍之候。心胃滿悶。背膊煩疼。兩

目睛明。四肢無力。雖知欲卧。睡常不著。脊脊急痛。膝脛酸疼。多卧少起。狀如佯病。每至旦起。即精神尚好。似無病。從日午以後。即四體微熱。面好顏色。喜見人過。常懷忿怒。纔不稱意。即欲嗔恚。行立脚弱。夜卧盜汗。夢與鬼交通。或見或亡。或多驚悸。有時氣急。有時咳嗽。雖思想飲食。而不能多食。死在頃臾。而精神尚好。或兩肋虛脹。或時微痢。鼻乾口燥。常多黏唾。有時唇赤。有時欲睡。漸就沈羸。猶如水涸。不覺其死矣。又論曰。傳屍之疾。本起於無端。莫問老少男女。皆有斯疾。大都此病。相尅而生。先內傳毒氣。周徧五藏。漸就羸瘦。以至於死。死訖。復易家親一人。故曰傳屍。亦名轉注。以其初得。半卧半起。號為殮殍。氣急欬者。名曰肺痿。骨髓中熱。稱為骨蒸。內傳五藏。名之伏連。不解療者。乃至滅門。假如男子因虛損得之。名為勞極。吳楚云淋瀝。巴蜀云極勞。其源先從腎起。初受之氣。兩脛酸痛。腰脊拘急。行立脚弱。食飲減少。兩耳颼颼。欲似風聲。夜卧夢洩。陰汗痿弱。腎既受已。次傳於心。心初受氣。夜卧心驚。或多忪悸。心懸乏氣。吸吸欲盡。夢見先亡。有時盜汗。食無滋味。口内生瘡。心常煩熱。唯欲眠卧。朝輕夕重。兩頰口脣。悉紅赤如傳胭脂。又時手足五心皆熱。心既受已。次傳於肺。肺初受氣。時時欬嗽。氣力微弱。有時喘氣。卧即更甚。鼻口乾燥。不聞香臭。假令得聞。唯

覺朽腐物氣。有時惡心。憤憤欲吐。肌膚枯燥。或時刺痛。或似蠱行。乾皮細起。狀若熨片。肺既受已。次傳於肝。肝初受氣。兩目膜膜。面無血色。常欲顰眉。視不及遠。目常乾澀。又時赤痛。或復睛黃。朝暮之間。常欲合眼。及至於卧。睡還不著。肝既受已。次傳於脾。脾初受氣。兩肋虛脹。食不消化。又時渴痢。熟食生。有時肚痛。腹脹雷鳴。脣口焦乾。或生瘡腫。毛髮乾聳。無有光潤。或復上氣。擡肩喘息。痢赤黑汁。至此候者。將死之證也。又論曰。毒氣傳五藏候。終不越此例。但好候之。百不失一。

方

孫思邈千金翼方大金牙散方。所主前方。同傳屍骨蒸病家合佳。

金牙二兩燒

大黃一兩

鱉甲一兩炙

梔子仁一兩

鬼督郵一兩

鼈甲一兩炙一作龜甲

桃白皮一兩

銅鏡臯一兩

乾漆一兩熬

芍藥半兩

射干半兩

升麻半兩

徐長卿三分

鳶尾半兩

由跋三分

蜂房半兩熬

細辛半兩

乾薑半兩

芒消半兩

莽草半兩

龍膽

狼牙

雄黃

真珠各三分

白朮一兩半

射罔一分

羚羊角半兩 犀角半兩 犀角半兩 犀角半兩 犀角半兩 甘草半兩 炙

狼毒半兩 蜣螂七枚 炙 地膽七枚 樗雞七枚

芫青七枚 雷丸七分 龍牙一兩半 杏仁一兩半 去皮

皮雙仁熬 巴豆十四枚 去皮心 桃奴十四枚

鐵精一合 赤小豆一合 烏梅七枚 胡鷲屎一兩半

鶴骨二兩 石膏二兩 蛇脫一尺 熬 斑猫七分

活草子一兩半

右五十味。為酒服。一斗。至。加至兩斗。至。日三夜一。以知為度。絳囊盛

帶之。男左女右。一方寸匕。省病問孝。夜行塗中。晨昏霧露。亦如此密

封。勿洩氣。清齋七日。合之。一一如法。童子沐浴。寂靜無人處。合。勿令

人知之。買藥勿爭價。

王燾外臺祕要方又療骨蒸傳屍方。

皂莢長一尺者。無相續取。炙令微焦。去黑皮。碎之。綿裹

黑錫大如雞子。羊肉大如拳。煮如常法

右三味。取一升。無灰清酒。貯銅鐺內。即著綿裹煎三五沸。即漉去綿

裹。即內黑錫使融液盡。煎取三合。令病者先啜肉汁。即服一合。如變吐

困不須起。次以銅盆貯水。令病人坐上。有蠱鹿如馬尾。赤色頭黑。即効。如無以服三合。盡為度。一服相去如人行十里。必是得驗。其禁食。一如藥法。廣濟療傳屍骨蒸。痰瘰。肺痿。疰忤。鬼氣。卒心痛。霍亂吐痢。時氣。鬼魅瘴瘧。赤白暴痢。瘀血。月閉。瘰癧。疔腫。驚癇。鬼忤。中小兒吐乳。大人狐狸等病。吃力伽丸方。

吃力伽白木是也

光明砂

麝香當門子

訶梨勒皮

香附子

丁子香

沈香

華撥

檀香

青木香

安息香

犀角屑各一两

薰陸香

蘇合香

龍腦各半兩

右一十五味。搗篩。白蜜和為丸。每朝取井花水服。如梧子四丸。於淨器中研破服之。老小一丸。以蠟裹一丸。緋絹袋盛。當心帶之。一切邪鬼不敢近。千金不傳。冷水煖水。臨時量之。忌五辛生血物。以臘月合。神前藏之。密器中。勿令洩藥氣。神驗。

**太平聖惠方**治骨蒸勞瘦弱。并傳屍勞。宜服此方。

右取三年桃樹一株。并根。打去泥土。勿洗。及枝葉等。細剉。以水三碩。煮。取一碩已來。即澄濾去砂土。還將藥汁重煎。至三斗已來。再濾去



淳更煎令稠。可丸。即丸如梧桐子大。每日空心。以溫水下三十丸。晚食前再服。

栢葉酒方。治傳屍骨蒸瘦病。

栢葉二十斤。搗碎。以水一石煮。取汁三斗。

黍米一石。淨淘。

細麴十斤。搗碎。

右以栢葉汁漬麴發動。即炊米熟。候冷拌和令勻。入瓮密封。三七日開。壓取酒。日三度。量力飲之。以差為度。

治骨蒸有蟲。相傳不絕。

蓬莪茂三分。鼈甲一兩。塗酥炙微黃。去裙襴。柴胡一兩半。去苗。

紫菀三分。去苗土。桂心一兩。當歸一兩。

蜈蚣一枚。赤足者炙黃。去頭足。蟬蛻一枚。炙黃。去頭足。

斑猫二十枚。糯米拌炒令黃。去翅足。桃仁四十九枚。湯。

浸去皮尖。雙仁。麩炒微黃。檳榔一兩。川大黃一兩。剉碎。

微炒。

右件藥搗結羅為散。每服空腹。以清粥飲調。下一錢。服後穩卧。將息。小便中亦有病根下。或蟲物出。如未應。隔日再服。忌葷菜。

治傳屍骨蒸。沐浴絕病根源方。

爛棘刺三升 蒴藿莖葉五升判

桃柳枝葉五升判

右件藥以水八斗。煎至六斗去滓。入盆中。於暖室內看冷。暖浴。如汗出。切宜避風。厚蓋衣卧。

又方

桃枝

柳枝

槐枝

蒴藿

皂莢枝

右件藥各細判共一斗。以水一碩煮。取六斗去滓。依前法浴之。

聖濟總錄參連丸。治傳屍勞骨蒸。

苦參一兩半

黃連去鬚三兩三分

枯蘗根

牡蠣煨

知母煨

麥門冬去心。各一兩三分。煨

右六味。搗羅為細末。鍊蜜丸。如梧桐子大。每食後。米飲下十九。日二服。

茯神湯。治傳屍骨蒸。先服麝香散。取蟲後。次服補五藏。

茯神去木

人參

遠志去心

甘草炙判

當歸切煨

陳橘皮去白煨 龍齒

熟乾地黄煨各一兩

黃耆判二兩

麥門冬去心煨 桂去麋皮

五味子各一兩半

右一十二味。麋、獐、蹄、節、每服五錢匕。水二觥。入棗七枚。擘破。生薑五片。煎至一觥。去滓。空心溫服。日三。

鈇丹丸。治鬼注。傳屍骨蒸等疾。

鈇丹炒三兩。安息香一兩。入胡桃仁相和研。白朮

鬼督郵各一兩半

木香

柴胡去苗

獺肝炙乾各一兩

右七味。搗羅為末。鍊蜜和丸。如梧桐子大。每服七丸。粥飲下。不拘時。真珠丸。治傳屍骨蒸。欬嗽上氣。痰喘寒熱。四肢瘦弱。

真珠末

獺肝炙乾

茯神去木

貝母去心

柴胡去苗

龍膽

黃連去鬚

赤芍藥各一兩半

白檳榔煨剉

旋復花各一兩

右一十味。搗羅為末。鍊蜜和丸。如梧桐子大。每服十五丸。食後溫漿

水下。日再。

黑虎丸。治傳屍骨蒸勞

乾蝦蟇一枚。去頭足。分為兩段。一半生。一半酥炙黃。

蛤蚧一對。各取一半。並去頭泥。塗酥炙黃。

蘆會研

天靈蓋酥炙

白狗糞炒黃

雄黃研

麝香研各一分

烏驢蹄炙乾二兩

乳香研一兩半猪膽一枚取汁於

梳中慢火煨如膏和藥。

右一十味搗研九味為末。合研勻細。以猪膽膏同粟米飲和丸。如梧

桐子大。先喫熟麪一梳。次以茅香水沐浴。次以沙糖麝香少許。調冷

水一觥。投藥一丸。於星月下浸一宿。平旦空腹服之。厚被蓋卧。應是

傳屍冷勞者。脊骨中出白蟲。或出赤蟲。若骨蒸勞則汗出。腰脚疼痛

不遂。脚下出汗如膠漆。諸風氣水病。並服一粒。差。小兒無辜。可服半

粒如前法。有蟲出鼻內如線狀是効。

阿魏丸。治傳屍骨蒸。女人血氣。月候經年不通。痰嗽黃瘦。四肢羸弱。盜汗

骨熱。或時憎寒。飲食減少。

阿魏細研

當歸

蕪荑仁炒各一兩

雄黃研

猪牙皂莢去皮子酥炙各半兩麝香研

蓬莪茂煨剉各三分

柴胡去苗

白檳榔剉各二兩

右九味搗研為末。和勻再羅。用羊肉半斤去皮爛煮。細切研如膏。入

諸藥末和擣三千杵。如鞭。即添肉汁。眾手丸。如菜豆大。每服五十九。

五更温酒下仍飲令醉。以青絹被盖之。睡覺汗出通身。必有細蟲在  
被間。日光内看。急須燒之。或瀉下惡物。并蟲等効。如小兒服。以意加減。  
補勞飲。治男子婦人虛勞骨蒸。傳屍染著。不能斷絕。服前阿魏丸。經脉由  
未通。或四肢虛羸。飲食全少。速服此通經脉。

黃耆剉

當歸切焙

生乾地黄焙各二兩

人參

白茯苓去黑心芍藥

五味子

桂去麋皮

牛膝酒浸切焙陳橘皮去白炒麥門冬去心焙

枳殼去瓢麩炒甘草炙剉各一兩

柴胡去苗一兩半

右十四味。麋搗篩。每服五錢匕。水一觥半。入生薑五片。棗三枚擘。同  
煎至八分。去滓温服。不拘時。

紫苑湯。治傳屍骨蒸。復連掩殍。肺氣欬嗽。

紫苑去苗土

桑根白皮炙剉桔梗炒

續斷各一兩半

赤小豆一合

甘草炙剉

五味子各一兩生乾地黄酒洗切

焙二兩半

右八味。麋搗篩。每服五錢匕。水一觥半。入青竹茹。彈子大。煎至一觥。  
去滓。食後温服。良久再服。若熱甚。加麥門冬去心一兩。石膏一兩半。

麝香丸。治骨蒸。傳屍勞瘦。鬼氣復連殺鬼。

麝香三分研 犀角 鎊

鬼箭羽

木香

白朮微煨各一兩

虎頭骨醋炙 天靈蓋 醋炙

雄黃研 丹砂

桃仁湯浸去皮尖雙仁炒研各一兩半

右一十味搗研為末和勻鍊蜜丸如梧桐子大每服十丸食前醋湯下。日二。凡溫疫病亦可帶之。

桃枝飲治一切鬼氣邪氣傳屍復連骨蒸。

桃枝

柳枝各一握細剉東南者

鼓半兩

葱白三莖細切童子小便一升地膽三錢為末生薑細切一兩 蜀椒去目及閉口者炒出汗半兩

右八味鹿搗篩五味與薑葱豉和勻同用童子小便一升浸一宿至四更煎取半升去滓分二服五更初一服雞鳴時一服服後汗出慎風仍取米粉摩身上若或微利即愈如未愈隔日再作重者不過三劑 乾地黃湯治復連傳屍骨蒸等病

生乾地黃酒洗切焙二兩半 五味子各一兩半

續斷

桔梗炒 紫苑去苗土 甘草炙剉

羚羊角鎊

犀角鎊各半兩肉蓯蓉酒浸切焙

桑根白皮炙剉各一兩

赤小豆一合

右一十一味。麋搗篩。每服五錢。七水一盞半。入竹茹彈子大。煎至一觥。去滓溫服。空心食後各一服。後若渴脣口乾。加麥門冬去心。地骨皮各半兩。

麝香丸。治傳屍復連。掩殍。肺痿。痲痺。骨蒸。注鬼。氣急熱。勞疾。宜取之。凡欲取傳屍。勞。即先家中健人。自小至大。服麝香丸七日。服至三日後。方與患人服。

麝香細研

胡黃連碾為細末

丹砂細研各一兩

右三味研勻。以生人血蘸蒸餅為丸。如赤豆大。以新宰豬血和亦可。小兒三丸。大人九丸。濃煎桃仁湯吞下。空心日午夜卧服。一家人服。內曾受屍注者。即大便下膿痢。及瀉惡黑水。勿怪。若患者傳徧五藏。不住醫治。將欲命終。宜急合此藥。徧家大小服。直至患者死後七日。疾即不傳染。凡欲取下勞瘵藥。先服溫中平補五藏。四神湯。

獺肝丸。治傳屍。鬼氣。骨蒸。日漸瘦弱。

獺肝微炙

鬼曰

沙參去蘆頭

人參去蘆頭

丹參

苦參 已上各三分 天靈蓋 一兩 塗酥炙微黃

麝香 半兩 研入

右件藥搗羅為末。鍊蜜和搗一二百杵。丸如梧桐子大。每服不計時候。以粥飲下二十九。

麝香飲。治男子婦人。傳屍骨蒸。一切勞疾。

柴胡 去苗剉一兩 阿魏 三分炒為末 甘草 如病人中指大剉

青蒿

桃枝

柳枝

金櫻枝 各一握 細剉

薤白

葱白 各七莖切

檳榔 一兩 為末 分作三貼

右一十味。以童子小便四升。宿浸諸藥於密室內。五更初煎。煎時忌主人婦人等見。并不祥之語。取吉善之言。以卜善惡之候。又以刀一口於藥鑊上。此藥通神。宜加專志。煎取一升半。去滓。下麝香一分。研分作三服。第一服入檳榔末一貼。頓服。如人行三二里。煖第二服。亦下檳榔末頓服。服時。捻却鼻。服纔了。以白梅含之。莫令心頭惡。吐却藥。須臾或吐。必有物出。或未吐。如前更服第三服。必吐瀉。瀉下惡物。并勞蟲等。不可名狀。或瓜眼下。并身上出。如蟻如毛。其瀉下蟲。唯白色。必愈。餘色者難差。纔吐瀉了。便以薤白粥。并饅飯補之。仍如法將息。



烏雞丸。治傳屍勞。屍注骨蒸。眼目昏澀。面色青黑。咽喉噎塞。痰涕欬嗽。或  
痲痺攻刺疼痛。胃膈滿悶。時或恚怒。或多感傷。情思不樂。夢寐虛驚。精藏  
滑泄。失血。憎寒潮熱。汗。肩背拘急。腰脊肢節煩疼。四肢少力。可喜飲食。小  
便黃赤。大便不調。下進下退。服取藥後。

黃連去鬚

附子炮裂去皮臍各二兩

柴胡去苗

白附子生

當歸切焙

秦艽去苗土

槐膠

甘草炙剉

茯苓薄切酒浸焙

續斷

遠志去心

巴戟天各一兩陳橘皮去心焙

乳香研

雄黃研

丁香

乾薑炮

丹砂研各半兩

右一十八味。搗研極細。先養烏雌雞一隻。以硫黃三兩為末。分作三

十分。每日拌飯餵一月。日。用火麻子一升。餵盡。宰治去毛。及背爪并

肚腸。留心肝。將前藥末入在雞腹內。以麻線纏定。再用無灰酒一斗。

銀石鍋內用文武火煮令雞熟。取出。除去鹿骨。將雞并腹內藥同細

研。更將雞骨焙乾。搗羅為末。同研藥摻和。入臼中搗千百下。丸如梧

桐子大。每服二十九。以煖酒吞下。空心日午臨卧各一服。

育生丸。治傳屍遁注骨蒸。復連殮殍。此病得之。臨屍哭泣。屍氣入腹。連綿

積年。雖食不作肌膚。微勞即發。額頸間常覺翁翁骨熱。

獺肝一具炙。鼈甲一枚醋炙去裙襴。

野狸頭骨一枚炙。

防己一兩半紫莞

蜀漆

麥門冬

甘草炙各一兩

右八味搗羅馬末。鍊蜜丸如梧桐子大。每空腹米飲下二十九日二服。  
麝香散。治男子婦人傳屍骨蒸。冷熱五勞。

麝香研半兩

甘草如病人中指長。男左女右。東引桃枝

青蒿

東引柳枝

石榴枝各一握。犀角鎊半兩

阿膠

柴胡去苗各一兩

葱白

薤白各七莖

右一十味。除麝香外剉碎。同用童子小便二升半。浸一宿。別入擯柳末三錢。同煎至一升半。去滓。分溫三服。男病女煎。女病男煎。勿令孕婦六畜見。初服訖。如人行五里。又進一服。恐惡心。可含白梅。病在上即吐。在下即瀉。各出惡物如蟲類。及頭髮馬尾狀。兼身上如蟻行。瀉後。以葱粥及軟飯補之。仍服後方茯苓神湯。調和五藏。避風一月。若遠年重病。不過兩劑。其吐下蟲。腹紅色者可治。黑色者或差。或否。白色

者不可治也。

段奇野夫多效方續斷散治骨蒸熱勞傳屍瘦病潮熱煩躁咳嗽喘急身體疼痛口乾盜汗神妙方。

續斷

紫苑

桔梗

青竹茹

五味子各三兩生乾地黄赤小豆半升

桑白皮各五兩甘草炙二兩

右九味杆羅鹿末每服三錢水一盞半入小麥五十粒同煎至一盞去滓溫服食後一日三服兼治咳嗽唾膿血童男室女亦可服。

劉智晉濟經驗加減方阿魏散治骨蒸傳屍勞病寒熱黃瘦困倦喘嗽。

阿魏三錢研

青蒿一把細切甘草二錢

桃枝東頭者一握

細判

童子小便二升半

右同煎至二升去滓調檳榔末三錢連喫二服男子患女人煎女人患男子煎背身與服吐瀉多効如吐出蟲子驗次服茯苓散柳森可用方治傳屍骨蒸出蟲下積惡物。

雄黃

雌黃

代赭六味各水飛三味

麝香

青黛

天靈蓋六味各半兩

朱砂一兩水飛蝦蟆一枚焙乾為末  
如法

巴豆二十枚去油

右都重研令細。用軟飯和搗三二百杵。丸如梧子大。每服空心。以溫水下二十九。以利取出蟲為效。

桃仁粥。治傳屍骨蒸鬼氣。欬嗽氣急。不能下食。及痞癖氣。日漸羸瘦。

桃仁三兩去皮尖

右以水二大盞半。和桃仁一味。細研取汁。着米二合煮粥。空腹食。

李仲南永類鈴方七寶丸。瀉骨傳屍邪氣陽病。

黃連四兩

右為細末。用猪肚一箇。洗淨入藥末。線縫之。用童便五升。文火煮令爛乾為度。以肚細切。同藥爛研。置風中吹乾。丸如梧桐子大。朱砂麝香作衣。空心麥門冬水下。或用陽病開關散咽下。無朱砂亦可。

陽病開關散

北柴胡去蘆

桔梗炒

秦艽

麥門冬去心各半兩

芍藥

木香

澤瀉各一兩

木通半兩

甘草一錢炙

當歸

桑白皮蜜炙

真地骨皮各一兩

14  
陰病開關散  
吹咀每服三錢。水一大盞。生薑二片。煎六分。空心。小便多即病去也。

當歸

赤芍藥

肉桂

白芷

甘草炙各半兩

木香二錢剉

枳殼三錢

天南星一錢去皮

薑汁浸一宿焙

吹咀。每服三錢。薑三片。煎七分。入無灰酒三分。童便三分。童便三分。又煎

七分。溫服。先服此。起胃散。三日後。不問退否。兼玉童膏服之。  
起胃散。陰陽二候皆用。

黃耆炙二兩

白朮炒一兩

白芷半兩

人參半兩

山藥一兩

吹咀。每服三錢。加木瓜煎。一方加沉香茯苓甘草各半兩。

骨蒸勞瘵

論

黎民壽簡易方。虛勞之人。易生寒熱。皆本於血氣耗減。榮衛不調之故。其  
脉或浮而大。或弦或數。大者勞也。弦者亦勞也。大者易治。血氣未衰。可斂  
而止也。弦者難治。血氣已耗而難補。雙弦則賊邪侵脾。尤難治。加數則危

矣。若以有熱為患。急以涼劑退之。則熱去寒起。為嘔為泄。去生愈遠。或謂血衰。欲專以地黃為藥之類。生其血。殊不知血未能生。而脾生受害。食不能進。又何血氣之能生也。善調理者。當其病未甚深之時。先與調理脾胃。鎮安氣海。却以溫潤藥滋補下元。鎮安心神。藥養其心氣。心腎氣交。脾胃氣壯。飲食既進。氣血漸生。病無不去者。調理脾胃。如四君子湯。理中湯之類。鎮安氣海。如震靈丹。玉華丹之類。滋補下元。如八味丸。山藥丸之類。鎮安心神。如天王補心丹。十四友丸之類。其方見于輔陽羨補門。要之腎邪易動。心正難守。精血之所由失。榮衛之所由耗。水走於下。則為小便滑數。為赤白濁。為遺精夢泄。為腳弱。為皮毛焦枯。火炎於上。為痰嗽。為咯血。為上氣。為口乾。為五心熱。為盜汗。皆虛勞之變證。當隨證用藥。適寒溫之宜。而以護養脾胃為主。如丈夫虛榮。**李仲南水類鈴方**。脈疾急數。脾神絕。蟲頭黑。腎經受傷。蟲頭紅。心絡受傷。蟲頭青。肝膽受傷。失音聲乾。心氣絕。脣色白黑。胃腎已敗。面如枯骨。或如紅粧。真氣散脫。皆不可治。其傳變為二十四種。或三十六種。或九十九種。其實所傷。只在五藏。此證不一。皆由氣體虛弱。勞傷心腎而得。或外感六淫。先為瘧疾。以致咳嗽。寒邪入裏。失於調治。過於房勞。飲食所致。其證令人肌肉羸瘦。皮枯寒焦。盜汗。遺泄。白濁。

或腹有塊。或腦後兩邊有小結核。或聚或散。咳痰唾血。早用濟生崔氏灸法有驗。今始具其傳於五藏之大略。其蒸至於六府。極而至於筋脉肉氣。骨精為六極。未易治矣。治法去熱安嗽。養脾土以生肺金。此上治也。

方

王燾外臺秘要方

患痿痺。上於劫切。下余攝切。下同。等病必瘦。脊骨自出。以壯丈夫。屈手頭指及中指夾患人脊骨。從大椎向下。盡骨極攢。復向上。來去十二三迴然。以中指於兩畔處極彈之。若是此病。應彈處起作頭多。可三十餘頭。即以墨點上記之。取三指大青竹筒長寸半。一頭留節。無節頭削令薄似劍。煮此筒子數沸。及熱出筒。籠墨點處。按之良久。以刀彈破所角處。又煮筒子重角之。當出黃白赤水。次有膿出。亦有蟲出者。數數如此角之。令惡物出盡。乃即除。當目明身輕也。

聖濟總錄三月四日。取桃葉五升熟搗。脫衣避風。密室中生其上。從旦至暮。尸蟲悉出。

又方 空心食椎子百箇。諸蟲悉為水。

又方 桃仁去皮。研膏煮汁。入米作稀粥。空心日二服。一方桃葉搗汁服。

又方 酸石榴東引根。水濃煎。更初服。天明蟲下。稀粥補之。

**釋繼洪淡寮方** 男子勞傷而得疾瘵。漸見瘠瘦。用童子小便二盞。無灰酒

一盞。以新瓦瓶貯之。全猪腰一對。在內密封泥。日晚以慢火養熟。至中夜

止。五更初更以火溫之。發瓶飲酒。食腰子。病篤者只一月効。平日瘦怯者

亦可服。此藥蓋以血養血。全勝金石草木之藥也。瑣碎錄云。五更仰卧。勿

轉。勿聲。勿嗽。令人將腰子并酒至飲食之。補腎妙法也。

冷湯主冷痰虛熱。諸勞寒熱。

沉香 附子炮

右吹咀煎。露一宿。空心服。

愚魯湯。主勞熱。

柴胡 人參

右等分吹咀。每服三錢。薑三片。棗一枚煎。不拘時。

茯苓補心湯。治勞心發熱。血虛發熱。婦人尤宜用。方見吐血門。

猪骨散。治諸氣蒸熱。倦怠。腰脚痠疼。四肢困重。不美飲食。肌肉瘦悴。

秦艽 柴胡 前胡 川烏土

藁本 蕪荑 六味各一兩 鱉甲二兩



甘草半兩並洗焙乾秤

右用雄豬脊骨一全副。去頭尾各一節。併去上肉。將骨細剉。入水二大盞。瓷器中煮。令水盡。除甘草蕪莢二味。餘盡入豬骨中。以好酒一斗同煮。令酒乾。入二味。同焙乾。研為末。每服溫酒調下二錢。空心夜卧。

**阮霖經驗良方** 柴胡散。治邪入經絡。體疲肌熱。兼治伏暑。老幼皆可服。

柴胡四錢 甘草一錢

右馬細末。每服二錢。水一觥。煎至八分。食後熱服。冬潤肺。春夏解傷寒。

**李仲南永類鈴方** 烏龍膏

烏梅去核 柴胡

紫菀 生乾地黄

木香各一兩 秦艽

貝母麩炒去心 防風各三錢

杏仁五兩麩炒為末

右皂角六十片。二十片去黑皮。醋炙為末。二十片燒灰存性。二十片湯浸去黑皮。用豬精肉剉爛如泥。同皂角一處。水五升細揉汁。入童便三升。無灰酒一升。併熬如膏。和前藥末為丸。如梧桐子大。每服二十丸。空心麥門冬湯下。甚者二十日效。

玉龍膏

青蒿子二兩

柴胡二兩

白檳榔製二兩

鼈甲

白朮

赤茯苓

木香

牡蠣各半兩

地骨皮半兩

人參一兩

生乾地黄一兩當歸三錢

朱砂一錢

豆豉心二合

虎頭骨研開酒炙黃赤色一兩

肉蓯蓉酒浸一宿炙一兩

鼈甲湯煮去皮裙酒浸炙黃赤

右皆為末。又加烏梅肉。枳殼。右前件末成。却以杏仁五升壯者。以重

便浸。春夏七日。秋冬十日。和瓶日中晒。每日一換新者。日數足。以清

水淘去皮尖。焙乾。別以重便一升。於銀石器內。以文火煎至隨手爛。

傾入砂盆。用柳木槌研爛。為膏。細布濾過。入酥一兩。薄荷自然汁二

合。攪勻和藥。用槌擣五百下。丸如梧桐子大。空心湯下十五丸。加至

三十丸。如覺熱。減丸數服。熱少還添。加減經月日。諸證皆退。進食安卧。

面有血色。乃藥行也。當勤服毋怠。忌葷菜白粥冷水生血雀鴿等物。

訶黎散。治勞嗽止氣。

訶黎勒皮

赤茯苓各二兩

檳榔

當歸炒

大黃炒各一兩 吳茱萸湯泡七次炒半兩

右 哎咀。每服三錢。生薑三片。水一椀。煎六分。溫服。

柴胡散。治童稚骨蒸熱。葱解傷寒後肌熱。

柴胡

川大黃

乾漆炒

秦艽

甘草

常山各一兩

鱉甲三兩醋炙

右咬咀。每服一錢中。用水一觔。入小麥一撮。同煎七分冷服。

取蟲藥

取啄木禽一隻。朱砂四兩。精猪肉四兩。餵木禽一晝夜。飢甚。將

朱砂作菜豆大相和在切碎肉片子內。若無啄木禽。晝將繫禽用鹽

泥固濟。入禽在肉。用剛火煨一夜。來日不見大陽取出。不得打破。同

固濟鹽泥入地理二尺許。一晝夜取出。銀器內研作細末。以無灰酒

作一服調下。入麝少許。在藥內同調。置病人在帳中。四下緊閉。用鐵

鉗候病人口中蟲出。即鉗之於沸油中煎殺。可預置烈火沸油於病

人左右。如蟲出後。便令煎嘉禾散與病人服。進粥又煎藥。悉如前夜

服。呪云。唵。嚩。嚩。嚩。嚩。吽。吽。吽。

釣蟲丸

磁石一兩半。有牆者。緊研為末。龍骨半兩

硃砂一兩研

麝一錢

膩粉半兩另研

右用蠟為丸如小嬰桃大。每服一九。以藥上針穿一小竅子。以青線

貫之。稍頭繫一大古錢。早晨令病人向破方正坐。用溫水吞下。候藥下咽喉中。以牙咬定古錢。等候惡心便吐出。其蟲狀不一。急以熱油煎殺。如不吐出蟲。只吐得血絲子。或涎一二合。皆是安証。更服尋常和氣埋中諸藥。三兩日。決取痊差。其治過藥。可用溫水浴過。更可醫一二人。若是傳屍勞。一丸可活兩人。

### 釣蟲神功奪命散

石燕一箇。火煨。醋淬七次。

母丁香一錢。半酒蠟半兩。

鱉甲一帖。和殼水磨。硫黃二錢。

右為細末。用蠟為丸。如菘豆大。每用一丸。裝鈎子上。繫緋綿一條。長一丈二尺。用雪膏少許。丸藥丸。以蠶蠶一截穿於線上。蓋之。令病人先喫膏。後一口同藥吞下。良久綿動。用力拽出。有蟲。用沸油煎殺。此藥於端午日。日未出時。修合。先服紙丸。次同神仙扶法服。服紙丸子法。凡醫傳屍。先當齋戒。志心對聖焚香。服紙丸子。用雞子清塗紙上。令乾。剪作錢樣。大丸服之。然後服前件丸散。

### 天靈蓋散方。見虛勞骨蒸門。

已試功效。嵩叟自老叟處得此神方。應驗非一。今連一二事書于篇。

後。庶使來者知用藥之功效焉。一職方郎中游烈者。邵武寧人也。其子之婦。年十六。得病。渾身壯熱。咳嗽痰涎。月候不通。飲食減少。不歲餘。衆醫不救。用天靈蓋散服之。取下蟲一枚。如蜈蚣之狀。當時鉗入沸油鼎中煎之。投於江。遂瘥。一有一男子三十歲餘。患病慙慙。飲食倍多。而不生肌肉。每日常須肉食。如或稍飢。腹內疼痛倦怠。遂以天靈蓋散服之。取下赤小蟲。其數有十。內有一蟲。其色微紫。大於衆蟲。頭有細毛。自後用藥。補理遂安。兼進真蘇合香丸。一有男子一人年五十。每日須酒數升。空心未飲。則兩手與脚並皆振動。得酒一升。飲之少減。若至醉。則手足不動。俗謂酒疾。醫議之。是振風。累日針灸。服藥無効。疑其蟲。遂服天靈蓋散。取下一物如烏梅之狀。撥之有足。正類蜘蛛。其疾頓愈。不復飲酒。前效如此。問病之士。宜加審焉。

浴法 **太平聖惠方** 治傳屍骨蒸。沐浴絕病根源方。

爛棘刺 三升

蒴藿莖葉 五升 剉

桃柳枝葉 五升 剉

右件藥。以水八斗。煎至六斗。去滓。入盆中。於煖室內看。冷煖浴。如汗出。切宜避風。厚蓋衣卧。

又方

桃柳枝

槐枝

蒟蒻

皂莢枝

右件藥各細剉共一斗以水一碩煮取六斗去滓依前法浴之。

# 烝

**洪武正韻**諸成切。火氣上行。一曰君也。進也。衆也。久也。薰烝也。炊也。散烝也。下淫上也。書烝烝乂。漢書賈誼賦。雲烝雨降。史記作蒸。禮記冬祭曰烝。

史漢亦作蒸。唯薪蒸字無作烝者。其餘本皆作烝。後世假借通用。義不同者。自可分押也。**許慎說文**。爾从火烝聲。煑仍切。**爾雅**。烝塵也。郭璞注。人衆。

所以生塵埃。邢昺疏釋曰。孫炎云。烝物久之塵。小雅南有嘉魚云。烝然罩罩。烝烝遂。遂作也。注皆物盛作之貌。**小爾雅**。上淫曰烝。**顧野王玉篇**。之水。

切。又音震。**徐鍇通釋**曰。蒸。從此振承反。**司馬光類篇**。又蒸上聲。氣上達貌。又諸應切。**毛晃禮部韻**。詩烝民。孟子列子作蒸。書烝烝乂。漢書作蒸。蒸戴。

**侗六書**。故水氣得火而上行也。引而申之。德化所馴。如氣烝物。書所謂烝烝乂是也。說者以馬進進非也。又淫上者謂之烝。春秋傳烝于宣姜是也。

氣之所烝。襟然畢達。故有衆義焉。有盛多之義焉。詩云。天生烝民。又曰。南有嘉魚。烝然罩罩。蜎蜎者蜀。原本空翩翩者佳。烝然來思。皆此義也。四時

之祭。惟冬可以備物。祭莫盛於冬。故冬祭曰烝。周官中冬獻禽以宮烝。康成之說亦云然。假借之義。二詩云。詹彼中林。侯薪侯烝。烝薪類也。又作蒸。



# 總叙

禮記祭統冬祭曰烝。烝，升也。升其備物而已。周語周禮大宗伯以嘗秋享先王。以烝冬享先王。司勳凡有功者祭於大烝。

明堂位秋嘗冬烝。天子之祭也。司尊彝秋嘗冬烝。裸用羊彘黃彘皆有

丹。其朝獻用兩著尊。其饋獻用兩壺尊有壘。左傳昭元既烝。趙孟適南陽。

甲辰朔烝于溫。注。烝其家廣也。公羊桓八年冬曰烝。注。薦尚稻鴈。烝衆也。

氣盛貌。冬萬物畢成。所薦衆多。芬芳備具。故曰烝。書洛誥戊辰王在新邑。

烝祭歲。文王駢牛一。武王駢牛一。王在新邑烝祭歲。注。成王在洛舉烝

祭之禮。曰歲云者。歲舉之祭也。書盤庚茲予大亨于先王。注。大亨。烝嘗也。

詩豐年為酒為醴。烝畀祖妣。天保禴祠烝嘗于公先王。那

頌。顧予烝嘗。湯孫之將。後本紀永平三年冬十月。烝祭光武廟。享烝

周禮夏官司馬徒。乃弊致禽。饁獸于郊。入獻禽以享烝。注。月

令季秋。天子既田。命主祠祭禽。四方是也。入又以禽祭宗廟。禘烝

王制天子植祫。祫嘗禘烝。陳澔集說。祫。合也。其禮有二。時祭之祫。則群廟

之主皆升。而祫食於太祖之廟。而毀廟之主與三年大祫。則毀廟之主亦

與焉。冬物畢。全烝。國語禘郊之事。則有全烝。注。全烝。全

成。皆可祫。其牲體而升之也。凡禘郊皆血腥也。大飲烝

## 全烝

其牲體而升之也。凡禘郊皆血腥也。

## 大飲烝



禮記月令是月也大飲烝。注十月農功畢。天子諸侯與其群臣飲酒於大學。以止齒位。謂之大飲。別之於他。其禮亡。今天子以燕禮。郡國以鄉飲酒。禮代之。烝。謂有牲體焉。俎也。

## 祭於大烝

夏官凡有功者。祭於大烝。司勳詔之。注。詔。謂告其神以辭也。

殺

烝

左傳宣十六年冬。晉侯使士會平王室。定王享之。原襄公相禮。殺烝。注。烝。升。升穀於俎。武子私問其故。王聞之。召武子曰。季氏而弗聞乎。

宴有所俎。公當享鄉。當宴王室之禮也。武子歸而講求典禮。以脩晉國之法。通鑑周外紀定王十四年冬。晉使士會聘于周。王享之。殺烝。士會私於

相禮。原公曰。吾聞王室之禮無毀折。今此何禮也。王曰。子弗聞乎。禘郊之事。則有全烝。王公立飫。則有房烝。親戚宴享。則殺烝。惟戎狄則有體薦。坐諸門外。而使吾人體委與之。今叔父使士季修舊德。以獎王室。唯是先王之宴禮。以貽女。余一人敢設飫禘焉。胡有了然其効戎狄也。士會不敢對而退歸。乃講聚三代之典。修執秩。以為晉法。

## 房烝

左傳體薦者。謂享則半解其體而薦之。所以示共儉。疏。若公侯來朝。王為設享。

則當有體薦之禮。其半體亦謂之房烝。

## 嘗烝

唐志王者法諸天道。制祀典焉。烝嘗象時禘祫如閏。楚語日月會王龍旒。王氣舍收。

天明昌作。百嘉備。舍群臣。頻行國。於是乎烝嘗。注。猨。龍尾也。謂周十二月日月合辰於尾上。昌盛也。作起也。謂天氣上也。嘉。善也。時物畢成。舍。入室也。

## 春夏烝

**春秋釋例**桓八年春正月己卯烝。無傳。夏五月丁丑烝。無傳。釋例曰。閉蟄而烝。謂之建亥之月。草木枯槁。昆蟲閉蟄。

履霜堅冰。萬物皆成。可薦者衆。於是享祭烝於祖考也。宗廟之祀。既有天時。又須所薦之物可薦。卜日又有吉否。則仲其常也。故周禮祀號曰。以四時。仲正之也。經書正月烝。得仲月之時也。其夏五月復烝。此為過烝。若但書夏五月烝。則唯可知以其非時。故先發正月之烝。而後經書五月烝。以示非時。并明載烝瀆也。先儒之辯。郊雩烝嘗。各據所見。多不審悉。今博採以斷諸疑。曆法正月節立春。啓蟄為中氣。二月節驚蟄。春分為中氣。三月節清明。穀雨為中氣。四月節立夏。小滿為中氣。五月節芒種。夏至為中氣。六月節小暑。大暑為中氣。七月節立秋。處暑為中氣。八月節白露。秋分為中氣。九月節寒露。霜降為中氣。十月節立冬。小雪為中氣。十一月節大雪。冬至為中氣。十二月節小寒。大寒為中氣。凡十二月而節氣有二十四。共通三百六十六日。分為四時。間之以閏月。故節未必得恒在其月。而中氣亦不得恒在月之半。是以傳舉天宿氣節為文。而不以月為止。僖公襄公

夏四月卜郊。但譏其非所宜卜。而不識其四月不可郊也。孟獻子曰。啓蟄而郊。郊而後耕。耕謂春分也。言得於啓蟄。當卜郊。不應過春分也。按曆法有啓蟄。驚而無龍見。始殺閉蟄。此古人所名不同。然其法推不得有異。傳曰。火伏而後蟄者畢。此謂十月始蟄也。至十一月則遂閉之。猶二月之驚蟄。既啓之後。遂驚而走出。始蟄之後。又自閉塞也。周禮祭宗廟以四仲。蓋言其限也。**春秋屬辭**以上時祭三書。正月烝一。五月烝一。八月嘗一。公羊傳曰。春曰祠。夏曰禴。秋曰嘗。冬曰烝。常事不書。此周制四時祭宗廟之名。詩小雅曰。禴祠烝嘗。于公先王是也。詩協韻故顛倒言之。周雖改時。月正朔。至於四時之祭。皆用夏時本月。故左氏曰。始殺而嘗。閉蟄而烝。過則書。順天道。從物宜也。周正月即夏仲冬。烝常事不書。焉五月再烝。非禮。故追書正月烝。以見其瀆。嘗以嘗新。焉名烝。衆也。可以薦者衆也。烝嘗蓋豐於祠。烝又豐於嘗。而烝嘗皆禘。又與祠禘不同。故禮或有闕也。以其有闕而再烝。愈失之矣。然既用五月再烝。則祠禘必廢一祭。蓋古者諸侯烝則不禘之義也。凡烝嘗。桓八再烝。桓十四嘗。凡時祭。秋曰嘗。冬曰烝。本公傳。春曰祠。夏曰禴。秋曰嘗。冬曰烝。與周禮合。不書祠禴者。春夏禮薄。鮮過舉。常事不書。**春秋例斷**曰。烝。衆也。衆成則可進。冬祭也。正月之烝。即

仲冬也。常事也。何以書。正月已烝矣。而夏五月何為復烝耶。是又知其黷而非時矣。禮記祭統曰。凡祭有四時。春祭曰禘。夏祭曰禘。秋祭曰嘗。冬祭曰烝。注謂此夏殷時禮也。夫常祭得禮則不書。不得禮故書之。嘗烝雖合制。其或以數。或以不畏天災而書。然十二公之中。豈無小失禮者。以常事且少失。多略之。惟於桓公書者。蓋以不畏天。且就誠桓逆。不可以祀先君也。亦因小以譏大之義也。**春秋纂例**啖子曰。凡宗廟之禮有常。四時之祭。雖失其月。亦非大故。皆不書。其失時及失禮之大者。乃書。左氏云。始殺而嘗。閉墾而烝。過則書。公羊云。春曰祀。夏曰禴。秋曰嘗。冬曰烝。常事不書。言夫禮非常乃書之。此說皆是。趙子曰。四時之祭。皆用夏時。言祀禴嘗烝。皆用夏之四時也。從物宜也。若以周之四時用四祭。於義禮及所用之物。都不相合。故用夏時為宜也。周雖建子為正。至於祭祀則用夏時。本月以行四時之祭。故桓八年正月烝。則夏之仲冬也。閔二年五月禘。即夏之三月也。凡四時之祭。蓋用孟月。若有故及日不吉。即用仲月。桓八年正月烝。是也。經文並無譏。故但不失時。即非僭禮。啖說是也。然吉事先近日。苟有其故。而用季月。涉於怠矣。當用仲月為嘉也。時物既登。且得二至之節故也。此事禮制都無定證。今考經推理。宜耳故也。**春秋類傳**烝。冬事也。大

司馬仲冬教大閱。致禽饁獸于郊。入獻禽以享烝。則子月非不時也。子月既烝。辰月非時。不當再烝。以瀆矣。烝不時而瀆。故書。春秋辨祠禴嘗烝。為四時之祭。曾何以有嘗烝而無祠禴乎。曰。魯有嘗烝。而祠禴者。常事不書也。苟非烝。以再烝之贖。嘗以非時而不敬。則亦不書矣。春秋纂言。建子之月為烝。得禮無譏。為不建辰之月再烝。非時。而故先書正月之烝。以起下文。

### 收擗而烝

國語公如齊觀社。曹劌諫

曰不可。夫禮所以正民也。君為是而往觀之。非故業也。何以訓民。土發而社。助時也。收擗而烝。納要也。注。擗。拾也。冬祭曰烝。因祭社以納五穀之要。休農夫也。今齊社而往觀。非先王之訓也。

### 言中為烝

宋類苑關中人言中為烝。向丞相敏中鎮長安市。市人不敢賣蒸

餅云觸諱

### 烝烝

書烝烝乂不格姦

### 蠲烝

書圖厥政不蠲烝

### 靈烝

賈宜鵬賦靈烝雨降糾錯相紛

### 湯沸如烝

韓詩陸渾桃花間有湯沸如烝

### 黎烝

漢雋相如傳覺寤黎烝師古曰黎烝衆庶也

### 歆烝

揚雄傳散歆烝師古曰氣上出也

### 夷微盧烝

書立政夷微盧烝注烝或以為衆或以為夷名詳政

# 胾

洪武正韻諸成切升也。以牲體實鼎。亦作脰。許慎說文。脰。駢也。从肉丞聲。讀若丞署陵切。徐鍇通釋。按儀禮曰。脯醢無胾。俎實也。振丞反。顧野玉玉篇之仍切。脰之丞切。俎實也。陸法言廣韻。胾。癡貌。脰。熟也。張參五經文字。升肉於鼎也。見禮記。宋重修廣韻。煑仍切。丁度集韻。或作脰。司馬光類篇。諸仍切。又辰陵切。又諸應切。一曰脰。胾。腫也。戴侗六書故。鼎俎之實曰胾。凡牲烹熟。體解骨切。而載諸鼎。骨折。鬻割而升之。俎者。皆曰胾。少牢禮。豕實于一鼎。魚。昔。各一鼎。卒。胾。皆設。肩。鼎。入。設。升。于。俎。卒。胾。乃。薦。又。司。士。羞。豕。胾。次。賓。羞。豕。燔。又。獻。衆。賓。其。薦。胾。設。于。其。位。其。胾。體。儀。也。康。成。曰。儀。度。餘。骨。可。用。而。用。之。其。先。王。之。胾。折。脅。一。膚。一。其。衆。儀。也。古。通。作。丞。左。氏。傳。定。王。高。晉。士。會。肴。丞。謂。之。曰。高。有。體。薦。宴。有。折。俎。公。當。高。卿。當。宴。周。語。曰。禘。郊。之。事。則。有。全。丞。王。公。立。飫。則。有。房。丞。親。戚。宴。饗。則。有。肴。丞。全。丞。全。體。也。房。丞。半。體。也。肴。丞。骨。折。也。故。謂。之。折。俎。特。牲。禮。亦。曰。衆。賓。兄。弟。內。賓。宗。婦。公。有。司。私。臣。皆。肴。胾。即。謂。胾。體。儀。也。韓。道。昭。五。音。類。聚。脰。煑。肉。也。楊。桓。六。書。統。照。母。屬。原。聲。熊。忠。韻。會。舉。要。次。商。清。音。周。禮。內。饗。注。實。鼎。曰。胾。實。俎。曰。載。周。伯。琦。六。書。正。譌。即。散。丞。之。胾。通。作。炙。非。趙。謙。聲。音。文。字。通。照。京。切。燕。禮。脯。醢。無。胾。从。肉。馬。意。作。脰。脰。非。又。煑。煎。魚。肉。曰。胾。作。肚。鯖。鯖。非。

西京雜記。婁護傳。會五侯競致奇膳。護合以爲鯖。世爲五侯鯖。俗字雙音。見禪音。又禪京切。韻會定正。知經切。牲實鼎之名。字切。知經。知真。壇脊。

# 脰

洪武正韻諸成切上同。

篆書

說文見杜。从古。集篆古文韻海。

徐鉉篆韻。

六書統。

草書 承 鮮于樞見 草書集韻

# 脯醢無脊

儀禮燕禮。脯醢無脊。注。脊。俎實。疏云。脊者升也。謂升特牲體於俎也。音。祭大射儀。脊薦主人于洗北西向。

脯醢無脊。注。薦于上。辟。正主。脊。俎實。

# 宗人告祭承脊

儀禮特牲饋食禮。宗人告祭承脊。注。云。脊。俎也。所告者衆賓。

兄弟內賓也。獻時設薦俎于其位。至此禮又殺。告之祭。使成禮也。其祭皆離肺。不言祭豆可知。

# 湏

諸成切。許慎說文。順水出南海龍川。西入溱。以水貞聲。陟盈切。徐鍇通釋。按漢書在桂湏陽縣界。宅爭反。顧野玉玉篇音貞。又水名。宋重修廣韻。湏

陽縣名。湏水所出。丁度集韻。又癡貞切。戴侗六書故。今英州有湏陽縣。避廟諱。改爲真陽。溱水入鬱。說文曰。入匯。鬱水出鬱林廣鬱縣入海。韓道昭。







貞呈二音楊桓六書  
統照母鄭从邑貞聲

篆 貞 六書

隸 貞 六書

損

諸成切顧野王玉篇知盈切引也。釋行均龍龕手鑑音貞郭  
逡。又音丑人反。楊桓六書統照母損知京切从手貞聲損隸

篆 損 六書

隸 損 六書

徂

諸成切顧野王玉篇諸庸切行不正也。釋行均  
龍龕手鑑音莖。行不正貌。字溱博義煇仍切。

於

諸成切顧野王玉篇陟陵丑善二切。旌旗杠貌。陸法言廣韻旌旗柱也。郭  
忠恕佩觿集於从上知升丑善二翻。旌旗杠。下於輦翻。旌旗貌。宋重修廣

韻陟陵切楊桓六書統照母於旌旗  
竿。余見陽韻激母字溱博義音徵

篆 於 六書

衽

諸成切陸法言廣韻衽松小兒衣宋重修廣韻諸盈切。司馬光類  
篇諸盈切釋行均龍龕手鑑音任楊桓六書統照母衽从衣正聲衽隸

篆 衽 六書

隸 衽 六書

25  
姪

諸成切丁度集韻諸盈切女字司馬光類篇之盛切韓道昭五音類聚音征楊桓六書統照母姪从女正聲姪隸。

篆書 姪 六書

隸書 姪 六書

炆

諸成切丁度集韻炆燐燐也司馬光類篇諸盈切釋行均龍龕手鑑音征燐燐也楊桓六書統照母炆从火正聲炆隸。

篆書 炆 六書

隸書 炆 六書

証

諸成切丁度集韻諸盈切諫也司馬光類篇之成切。鄭樵六書略聲兼意楊桓六書統照母証統注証隸。

篆書 証 六書

隸書 証 六書

怔

諸成切丁度集韻諸盈切射的通作正。楊桓六書統照母怔从中从正。侯也。其中栖其鵠所謂正也。怔隸熊忠韻會舉要次商清音。詩不出正分。注二尺曰正。詩話曰侯射侯也。居侯中曰正鵠。大射禮。鄭注云。正者正。正亦鳥名。齊魯之間謂題肩為正。正為之捷點者射之難中。以中為中。故射取



篆書 𠂔 六書統

隸書 𠂔 六書統

拊 諸成切。丁度集韻。諸盈切。取也。拔也。韓道昭五音集韻。煮仍切。五音類聚。拊之陵切。助也。又拊音蒸。楊桓六書統。照母。𠂔。原聲。拊。隸省。𠂔。上聲。上舉。

也。从手。升聲。易曰。用拊馬壯吉。

篆書 𠂔 並六書統

隸書 拊 六書統

𠂔 諸成切。丁度集韻。擊也。司馬光類篇。諸仍切。韓道昭五音類聚。𠂔。仍切。楊桓六書統。照母。𠂔。从支。𠂔。聲。𠂔。隸。

篆書 𠂔 六書統

隸書 𠂔 六書統

承 諸成切。丁度集韻。諸仍切。承陽縣名。在長沙。或作丞。楊桓六書統。照母。𠂔。余見澄母。𠂔。同上。本辰陵切。假借丞。隸。

篆書 𠂔 六書統

隸書 承 六書統

𠂔 諸成切。釋行均龍龕手鑑音貞。韓道昭五音類聚。𠂔。𠂔。同上。

逵

諸成切釋行均  
龍龕手鑑音延

餽

諸成切韓道昭五音集韻諸盈切  
五音類聚諸精切餽餅也俗用。

彪

諸成切韓道昭  
五音類聚音正

快

諸成切韓道昭五  
音類聚音徵快也。

瘰

諸成切韓道昭五音類聚音烝。  
骨瘰病字溱博義支凌切病也。

永樂大典卷之八千二十一

重錄總校官侍郎臣高拱

學士臣胡正蒙

分校官編修臣陶大臨

書寫儒士臣張夢禎

圈點監生臣徐浩

臣曲成學

